
ՎԱՎԵՐԱԳՐԵՐ ԽԱՉԻԿ ԾԱՅՐԱԳՈՒՅՆ ՎԱՐԴԱՊԵՏ
ԴԱԴՅԱՆԻ ՀԱՎԱՔԱԾՈՒԻՑ

Հնագետ, ժողովրդագետ, բանահավաք, Խաչիկ ծայրագույն վարդապետ Դադյանը (1863–1936) նշանակալից ավանդ ունի վիմագիր արձանագրությունների հավաքման ասպարեզում: Իր պաշտոնական ու նպատակային շրջագայությունների ընթացքում նա մտադրություն է ունեցել Ղարաբաղին նվիրված ժողովրդագիտական աշխատություն գրել և, ըստ այդմ, ընդօրինակել ու վերծանել է տասնյակ արձանագրություններ բուն Ղարաբաղից և այլ վայրերից: Խ. Դադյանի վիմագիր ժառանգության մի մասը լույս է տեսել «Արարատ»¹, «Բանասեր»² ամսագրերի էջերում, սակայն մի մասն անտիպ է և գտնվում է Հայաստանի ազգային արխիվում (ֆոնդ 319):

Ստորև ներկայացնում ենք մի փունջ վիմագրեր Խ. Դադյանի ֆոնդից, երկու այլ վավերագրերի հետ, որոնք ունեն պատմական որոշակի արժեք և կազմված են 1892 թ. Ղարաբաղի Շոշ գյուղում ու մերձակայքում (գ. 6): Նշենք, որ ցարդ Շոշ գյուղից մեզ հայտնի է երկու արձանագրություն Մ. Բարխուտարյանցի հրատարակությամբ³, որոնցից մեկը՝ Ե. Լալայանի վերահրատարակությամբ⁴: Արձանագրություններից մեկը թվագրվում է 1458 թ., մյուսը՝ 1655 թ.: Վերոհիշյալ երկու արձանագրությունները և երեք այլ թվակիր բեկորներ (1651, 1655, 1662 թթ.) լույս են տեսել «Դիվան հայ վիմագրության» V պրակում⁵:

Վավերագրերը հրատարակվում են ըստ բնագրերի ուղղագրության: Վավերագրերում նշված հայկական տոմարի թվականներին պետք է գումարել 551:

ԱԼՎԱՐԴ ՂԱԶԻՅԱՆ

№ 1

1892 թիւ 19^ժ սեպտեմբերի ի Շոշիքենդ, շարաթ, Թովմաս քհ ՏՐ Գրիգորեան 66 ամաց. Պետրոս քօխյ Չլնկարեանց, Բալասան Չլնկարեանց 56 ամաց: Մանաս Ասրեանց 26:

¹ «Արարատ», 1895, մայիս, էջ 233–234:

² «Բանասեր», 1901, հ. 3, պր. Բ, Գ, էջ 31, 135–147:

³ Մ. Բ ա թ խ ու տ ա թ յ ա ն ց. Արցախ, Բագու, 1895, էջ 132:

⁴ Ե. Լ ա լ ա յ ա ն ւ. Երկեր, հ. 2, Երևան, 1988, էջ 31:

⁵ Դիվան հայ վիմագրության, պր. V, կազմեց Մ. Բարխուտարյան, Երևան, 1982, էջ 145–146:

Ցուցմունք

Հին ազգեր Շուշիքենդում. բնիկ՝

1. *Յարամիշեանք 7 տ., Թոխտամիշանք ու Բագունք 3 եղբայրներ մի ազգից են,*
2. *Չալունք եկած են Թեղասեռա 13 տ.,*
3. *Ըգարանք 8 տ., Ըբարանք Աբարանից եկած են 5 տ.,*
4. *Օսմանանք եկած են Օզմանլուրից 5 տ. (Աթամալունք, Մելքումանք),*
5. *Թորոսանք 11 տ. (Սարիբեկը իրանց օջախն է),*
6. *Կյունդուզանք 5 տ.,*
7. *Կյուլուսարանք 4 տ.,*
հին ազգ են. Կյուքյու քյոխանք 16 տ., Դավիթյանք 18 տ., Եկանոնք 17 տ., Եսոնք 8 տ., Սյուլքունք 4 տ., Տերունք 11 տ.,
8. *Տլլաքանք 9 տ.,*
9. *Խնբաղանք 6 տ.,*
10. *Ջլավանք 15 տ.,*
11. *Կարաքունք 11 տ.,*
12. *Ժամհարանք 7տ., Շախանանք (հայացած թուրք) 6 տ.,*
13. *Չլնկեորանք 14 տ.,*
14. *Ըղվանանք 4 տ.,*
15. *Թոխունք 11 տ.*
16. *Թարխանանք 18 տ., որից 11 տունն ազատ են, իսկ 7 տունն Մակունք՝ հարկատու,*
17. *Խոստանք Ջրաբերդից 7 տ.,*
18. *Քոչունք Մոշխմհատից, Բայազետից... 4 տ.,*
19. *Մուսանք 5 տ. (այս ազգի մեջ և Բլլվանք),*
20. *Ծըտորանք 3 տ.,*
21. *Պուղուսանք Գորիսից 2 տ.,*
22. *Սրվնանք 3 տ.,*
23. *Ղազունք 5 տ.,*
24. *Կըզիր ըկուփանք 5 տ.,*
25. *Սև ըրիցանք 5տ.,*
26. *Մալումազանք 2 տ. (Ննկուց եկած),*
27. *Կյալունք Հարավ (Գորիսից հարավ) 2 տ.,*
28. *Սրչանք Չրաբերդոնց 11 տ.,*
29. *Նասիբանք 5 տ.,*
30. *Ատիբեկանք 6 տ.:*

№ 2

Այս ազգի ջաղացի դաբուլան* է որ օրոյն է թվն նմխա ին [1241]:

Այս գուրուս պատուջառն. այս է որ ես հաթամիս ասրիս զեյնալիս մէլքումնս կրիքոս շարս ետ է ախպէրս որ զօնէթօր** ափէն քարս ջեղեցէնք ջեղաց շինեցէնք է պաժին էրենք որ ք երկուսն մէլքումնին են պաժին մին պաժն հաթամին մին պաժին ասրին մին պաժին զեյնալին լինի փայն է բայնայն է է պաժին այնենք որ էլ ետու առաջ դավի այնենք աթիլ պաթիլ*** լինի [368] հայրապետաց նօզօվաց լինի խաչատույր պետին վկյ դալաք ալայվերդին վկյ չալուն տոյ թունին վկյ ծատուր վկյ սարուխան վկյ ենան վկյ միրզայնիէն վկյ դադայն վկյ մէլքումն տղեն վկյ իննազար վկյ եարամիշիին տղայ թունին վկյ տէր միքելն վկյ տր հարութունս վկյ քսպրն վկյ

Ես տէր հարութունս գերեցի վկյ:

ՀԱԱ, ֆ. 319, գ. 6, թ. 1:

№ 3

Շուշիքենդի գերեզմանատուն

1. յիշատակ է սր իսաչս յախումի որդի ետկարին ով որ կարդայ անօղորմի ասէ թվին ոճլք (1132)

Խաչքարեր

2. թվ ջժէ (937) միւսը թվ ջ (900)

Ես մաթիոս էրէց կանկնեցի զիսաչս փրկ ՅԻ հոյ հօլր]ն իմ շհումին

3. Ես Բարսեղ էրէցս կանկնեցի զիսաչս փրկութիւն հոգոյ հօրն իմ մուրատին մօրն իմ և եղբօրն ...**** թվ ջկ (960)

4. Ես տր վարտանս կանգնեցի զիսաչս ի փրկութիւն հոգոյ հօրն իմոյ Բարսեղին և մօրն ... Խաթունին եղբօրն իմոյ ահբարին

5. Այս է տապան Հէրիքնազին որ է տստիրն մէլիք յաթամին էխբայր մէլիք Մեժումնին թվ. նմխա (1241)

Եկեղեցւոյ արևմտեան լուսամուտի խաչի գիրք.

* Ղաբուլա - համաձայնություն: Բնագրում տրված է ազգերի ցուցակի 7-րդ համարից հետո, բայց պարզ չէ, թե որին է վերաբերում:

** Անհայտ բառ:

*** Աթիլ պաթիլ - անեծք է:

**** Այս և հետագա բացթողումներն ընդօրինակողինն է:

6. ԹՎ ջե (905) ես դոչս կանգնեցի խաչս հոգոյ մօր իմոյ գոցա բաջի գայս

Եկեղեցոյ հարաւային պատի տակ.

7. Այս է տապան ի քր հանգուցեալ ԲԱՅ Խանաշէ դուստր որ է թրըղեցի* իւ մէլիք աստամի կօղակից մարիամին թվն ուժա (1211)

Հանգստարանում եկեղեցոյ հիւսիս արևելյան կողմում մեծ տապանների գիրք.

8. ԹՎ ռճլգ (1136) Ո դ ի ովանէսին յիշատակ է դարին խանո

9. յիշատակ է խաչս սալվաին թ-ի ռճլգ (1136)

10. յիշատակ է տապանս Թարխունին ու պակումին թվ. էր ռճլր** օվ որ կարդայ աճ ողորմի ասէ

11. Այս է տապան փահլուեցի*** տր անտոնին ի ռճա թվին (1181)

12. Խաչս յիշատակ է պետրոսի որդի Գրիքորին թվ. ռճիւր էր (1142)

Մեծ երկար խաչքարի գիրք.

13. ԹՎ ջկէ (967) ես ... հօրն իմ իշխան և մօրն ազիզին թվ ջկէ

ՀԱԱ, ֆ. 319, գ. 6, թթ. 2-3:

* Թրըղի - թերևս, Թրղու. գյուղ՝ Ղարաբաղի Մարտակերտի շրջանում, Խաչեն գետակի ափին:

** Թվականը թվերով չի նշված՝ 1162:

*** Փահլուլ - գյուղ՝ Շուշիի մերձակայքում. թուրքերն այն ավերել են 1919 թ. հունիսի սկզբներին: